

崇百藥齋三集

崇百藥齋三集第七

陽湖陸繼輅祁孫

林巢集

庚寅

遙送果亭都護移鎮烏魯木齊

驚心別路遠於天虎節塵章又一遷垂老尙堪威絕塞
重逢難定是何年元知魏郡資萊國自勒燕然軼孟堅
只我未消兒女氣因風灑淚寄吟箋

崇百藥齋爲鄰火延燒告災于海內朋舊

岸上牽舟本所諳十年江北望江南連朝省過懲猶薄

寒夜留賓醉正酣

是夕方招楊伯厚小飲寓齋

五世尙餘先澤在

三朝幸保

國恩覃

先昭毅公至先君五世畫像並先君及繼輅兄弟四人所得

告身俱幸無恙

自憐衰

髯垂垂白可許重營老學庵

三字齋名海內知宦游仍署客中詩傷心慈母傳經夜
抵足良朋聽雨時疊石蒔花都一夢徑蟲梁燕總相思
明明哺鳳九熊處忍逐蟬聲過別枝

原識浮生傳舍如古人亦復愛吾廬千秋自說烏衣巷
半宅誰分子敬居繞砌苔痕春又至還鄉客夢境全虛
更新除舊公言過慚媿河東失火書

謂嶰筠先生

題顧卿畫

鄉思爲我寫來真草色波光已報春可惜山椒好茆屋
小橋日落不逢人

詠水仙花次張大令

中鵲韻

研屏低護洗頭盆，半擁霜華半雪痕。
越女從來居近水，孤山聞已賦盈門。
漫邀微步聽幽操，自展寒香返斷魂。
咫尺芳祠尋不得，落燈時節月全昏。

疎影

春影和卿翁

寒深徑窄看倦雲，暝水未染春色漫。
啟閒窻樓外斜陽明，明一帶平碧廊。
罽闌角經行慣，轉費盡春人濃。
宵除夜來喚起幽蟾，窺向絲絲簾隙。
猶記雕陰庭院，那時送別後底。
遺遙夕到得重逢，又被東風半掩。
畱仙袞襪佳期肯放，今番誤試探取。
銀鐙消息待晴暉，照入菱花不著一塵輕隔。

附同作

聰應

東風吹處訝乍濃還淡非花非霧憑遍雕闌踏遍蒼苔總覺耐人延佇小池碧水新來漲更漾得一庭紅雨早誤他舞燕流鶯都向波心飛渡容易韶光重到彩雲飄散後可還如故牆角籬邊柳眼分明記得斜陽幾度簾旌猶自深深押已過盡游絲狂絮待夜來明月盈階又是一番情緒

君行三章送華南大令

君行我心慰瀕行復吞聲浮生逐衣食遂使離別輕君時方喪偶行李堆縱橫一手自檢觸物思平生環滁山色好差遣獨旦情登臨得奇句金石相訇鏗境困學

轉銳力與造化爭嗟哉百年客孰覩千秋名

君行我心慰我歸尙無期歸亦安得食歸亦無所棲因
循七寒暑苦樂誰當知窮交互相卹客路逢君稀君今
舍我去惜此芳華時芳華竟何有日日扇雙扉花朝倏
已過未見花一枝

君行我心慰臨別欲有言妻亡復無子母乃太孤單上
侍積善慶下驗爲政平旗鈴何遠巡待子已十年一舸
施雨漿攜歸甚安便此事宜早圖去日如飛煙我無楊
枝贈行賦桐花篇

答尙齋太守喜行館興僕比鄰之作

我住皖城北龍山枕屋背山靈頗見暝爲我擾車蓋杜

門托養疴疎梅作花再團扇雖無塵孤竹亦苦隘君攜
敬亭雲來把浮丘袂分我庭樹陰枝枝潑濃翠和我深
夜唸聲聲破殘寐居然漁樵侶樂此衡宇對鷺鴨不聞
喧鷓鴣已分隊時將陳乞歸養行從大夫徒呵無關吏醉浮生
本逆旅情話卽良會詩成月上牆窺臣勝眉黛

爲嶰翁題鍾葵畫像

據案展一畫障援筆欲題旁一鬼捧研

一度蒲觴感歲年終南山館展吟箋不知此畫定誰作
沒骨更在徐熙前

醜奴作態耍司花

俗傳鍾進士爲五月花神

安石榴開映絳紗呼取

窮奇來捧研不須旁量有梨渦

腕中可有羲之鬼頷下猶多東野髭畢竟當時科目貴

一朝進士總能詩

病中聞嶰筠先生以繼輅修志微勞奏請鼓勵蒙
恩儘先選用慙感有作

少時儘讓祖生鞭老去翻叨北海箋

癸未大計乙酉來俸滿再膺保薦

飲江波今七載

甲申五月雲汀先生札調來省充志局提調兼纂修別營薄宦尙

三年

本班選期在壬辰秋冬間

京華書札催征騎

謂詩船于

病榻心

情感逝川至竟出山何所補眼中朋舊半歸田

謂仲平申耆叔

侯裕來淞初諸君

百字令

于庭寄示新詞皆與申耆往復之作病榻次韻並柬兩君

故家何在乍雲山隱隱被風吹斷雪雁風雅都訝客
七載牽舟江岸片刻成眠一樽淺醉暫把鄉心按干

卿甚事髣毛日日偷換 試問此去春明黃塵烏帽
底遣離愁亂芍藥丁香應好在又早鶯飛蝶散但許
清江聽搖柔櫓便抵還鄉半南枝越鳥年來頽盡霜
翰

送向齋太守歸省

病榻聞君來云將別我去君行亦非速我疾苦未愈心
學豈易言人事矧多悟區區方寸地百憂互盤據大聲
乍一驚渙汗忽如注火焚陸渾山城絕堊父布引醉甫
成寐入夢更多怖寡言守今律苦吟悔前誤默然視移
陰驕哉記沈痼

宦成歸故里慈母喜不勝曾聞吏尤俗未覺面可憎爲

兒檢行篋信兒守家聲質業集子弟話舊邀親朋朝眠
日三竿夜坐月半庭榮榮空谷蘭飄飄大海萍何日塵
埃中復此懷抱傾方期壹哀樂雙淚忽已零

知音求不易况乃求知心遇君冠蓋場蕭然若山林唯
誥習良易直諒意所欽恒言出肺附片語成規箴十年
互相資交深學亦深因君返初服益自悲塵襟願趁下
水船集此焚巢禽巢焚歸不得且當歸故岑

清時易爲吏無事待興革書生沒世名終當託楮墨洋
洋典謨文煌煌堯禹跡製器不能銘德功亦沈寂君今
歸杜門經訓日有獲我行抗黃塵解悟恐非昔竊譽未
可期違才良自惜倘君假一椽爲君校圖籍

蔣山病廢三十年矣其子右卿抱關來皖出舊圖

君隨雲臺宮保按部嚴州塗
次紀游屬太倉張農間作

索題泫然有作

乍展張郎畫驚心三十年麟洲今宿草龍尾亦華顛不
死叨貞疾言歸失故廬吾衰思議絕久罷問青天
阮公六十七歸老尙無期弟子天涯在游鞬江水知客
星頑墜石古木暗荒祠重訂他生約秋風理釣絲

雨夜懷申耆

似覺閒宵刻漏遲江城好雨正知時空濛景色圖難肖
蕭瑟情懷聽最宜賞汝已無栽竹地還鄉總負及瓜期
謂于不翰
風道久天教仙李蟠根固獨立蒼茫罷詠詩

題畫

芳草閒庭客思孤醉來潑墨寫狸奴不煩急護雙飛蝶
愁殺東風是鼠姑

三疊琴心萬慮蠲螳螂那更捕鳴蟬憑君別寫忘機鳥
睡傍碧荷如月圓

曹玉水司馬以鮑覺生詹事遺詩索題時余將有
北行卽以誌別

一別二十載再別亦四年人壽積何許飄作風中煙舍
人佐郡來翩翩拓窗先與看龍眠心知將作尹邢避且
諱別酒誇歡筵春明此去偏蕭瑟先後詩翁持使節謂
湖侍郎石天畱一老主騷壇賓谷先生亦恐吟筇愴孤子吳

郎輓跡更絕奇

蘭雪改外得黔西牧

差勝倚樓成死別

衡西給練

事與

願違君莫哀用違其才古所悲茫茫塵海此分道曷不
盡碎花前栳頻年病比東陽劇腰脚輸君健如昔
殊恩何以酬

賜環先德我甯忘載石皖臺京雨極天飛雲樹都關別
後思聚散何如存歿感秋墳試聽鮑家詩

摸魚兒

皖俗婦人中秋夜竊瓜鄰圃以爲宜子之兆謂之摸秋

鮑家詩
帆小筠子
期同作

記前春穠桃初放一枝紅艷親折秋光轉眼明如許
那是湔裙時節歡未歇怕幾度瓜期鬢影成蕭瑟珮
環暫撤任霜印弓彎風驚龐叟容我夜深乞東籬
畔借取涼蟾一瞥依稀幽徑曾悉玉纖本是雙攏慣

休放蠅兒輕嚙歸步疾祗今夜衾邊怎與同衾說來

年重寶願甘比青門也教子母五色耀朝日

詠懷句

南歌子

中秋雨懷顧簡堂于役豫梁

久坐憐暹夕分攜惜暫逢一簾暗雨任冥濛有个團
圓皓月在當中醉比新寒薄愁緣善病工蕭蕭班
馬慣迎風還有嶺梅開後北征鴻

楊康侯秀才爲余錄戊子己丑兩年詩點畫迺麗
並有書後之作口占報謝

端宜一字一縑償想見秋窗拓早涼他日有人求賦草
題君畱取十三行

猶記元方

伯厚

寫我詩十年減盡舊才思江城此夜瀟

瀟雨又向春蠶索剩絲

過六安訪楊葆卿監丞出畫索題卽以誌別

夾道秋林夕照紅
蘭陔南畔尙薰風
巴童見面知君實
驥子關心問小同
賦筆有誰驚繡虎
畫圖聊復記飛鴻
迴鞭約略春醪熟
爲我先期蓄晚菘

十月晦鳳陽塗次大風

擬借村醪餞小春
水程濡滯又經旬
驚湍乍激三千弩
曉日全迷十丈塵
臥倚短篷如廣廈
寒生孤枕失重茵
豪梁舊是觀魚地
不覺臨淵愧縱鱗

德州道中寄君孚

慰汝思親意
冬喧異往年
褰帷車上月
飲馬路旁泉
風

定揚塵少裘輕作事便江鄉應得雪誰共擘吟牋

時子
濤亦

借余
北上

雄縣道中感念亡友芙初祐甫

趙北燕南水依然一望遙獨憐青鬢改愁對暮雲高素
壁無詩在黃壚有淚澆明明布帆影可許喚歸橈

舊游

舊游到眼愴曾經淚與檐花相對零別有人間斷腸處
荒煙衰草夕陽亭

潘待詔

曾望

覓句小影

尋詩亦復有底急獨向秋林成久立更無慧鳥喚開簾
那覺吟肩墜殘葉欣然走索玉版牋應有人憐衣露濕

調秀卿妹

潘典簿

曾綬

抱琴小影

前年讀君詩今年識君貌怡然抱琴坐知已釋矜躁疎
梧宜月蕉宜雨畫筆蕭寥都不取却從空際見光明照
澈清秋是眉宇與君江海久齊名此日江花漸欲傾尙
有三生仙骨在天風親聽鳳雛聲

野雲山人招飲索詩

清絕涵秋閣羈懷許暫開中央人宛在三面月皆來寸

楮足千古十年此一杯故交多宿草話舊不勝哀

時乞君作

宣南話舊第二圖感念時帆先生蓉裳丈蘭村師暨芙初祐甫浣霞小竹香延申受諸子不自知淚之橫潸也

浣溪紗

潘綬庭以淑配所畫仕女索題

羅袖吹香撲綺櫺
畱仙裙子漫怱怱
一身全裏落花風
此際玉簫吹不得
此時詩思亦冥濛
所期人在月輪中

菩薩蠻

潘星齋撰 蜨圖

啼鶯喚夢嬌無主
捲簾春已青如許
蜨影太雙雙
窺人過小窗
扇紈猶在篋
袖展香羅急
珍重步花陰
蒼苔一徑深

金縷曲

緱庭蘭闌唱和圖

簾影垂千縷
聽漚波小亭臨水
淺吟低語
十萬金鈴
教管領肯放一天紅
雨算只有玉臺佳句
畱得春光
千劫在更生
綃傳色明如許
詩書畫都將去
秦嘉

往日傳虛譽笑年來江花漸落朱顏非故入度春明
緣底事杯酒慵澆趙土渾不料輒紅深處金是諸昆
梅作婦見君家一室神仙侶差不負雙行屨

岳忠武遺研歌

并序

研今尺橫三寸八分縱六寸四分正面右刻丹心貫日
四字左刻湯陰鵬舉識五字皆篆書池上鸚鵡眼一就
刻作雲日形明初入內府太祖以賜徐中山中山刻楷
書四十七字於右旁向藏藁城徐氏中山後人從成祖
至北平者今爲太原宋氏得之

我昔曾賦疊山卜卦研文山玉帶生天生文謝結此一
朝局如石已泐不可使合并獨怪岳侯勝算已在握黃

龍計日揮干觥忽摧長城壞梁木沙頽瓦碎曾無聲忘
兄棄父論太酷讀史至此但覺心怛怛精忠報國字與
骨同朽乃尙畱此丹心貫日之研銘中山乘時作蕭鄧
竹帛自立千秋名猜雄之主幾不保終始吁嗟帶礪難
爲憑幸哉不斃土囊下此研遂與鏤券俱錚錚宋高守
文頗易事何物賊檣能令山岳委地鴻毛輕由來成敗
完毀偶然事賜物世守亦已逾雲仍卽今大功坊又沒
秋草烟雲過眼成飄零詩人懷古作悲惋豈知石本頑
無情君不見長生長樂漢當作研並良製旋見銅雀高
峻嶒趙家良嶽壽益促風吹珍石如春水興來磨墨一
斗盈且縱弱腕驅風霆人間倘無五寸管忠義智勇亦

復一一俱沈寔

題女士陳靈簫畫扇

誰寫桃花又柳花
碧城霏雪赤城霞
分明三月皋橋畔
繫艇來尋賣酒家

女士自跋引太白詩謂
柳花有香不可不畫

沈飴原同年郊居圖

我聞古君子難進而易退
置身珪組間結想烟霞外
南陽感三顧鞠躬期盡瘁
種桑八百株早營歸隱地
東山大人容安危一身繫
顧於寢處閒時露山澤意
益推安懷聖沮溺豈同志
乍聞曾暫言風俗動遐思
致身與抽身前後不相背
戀闕與戀祿跡同心則異
休文昔郊居邱壑頗幽邃
獨善非所安征吉况逢泰
自操蘭臺筦遂

判浮邱袂通籍二十年官已至卿貳循陔蘭益榮趨庭
玉同粹積善荷降祥奇福稱絕慧道行資坐論責敢覬
旁貸獨其高瞻懷翛然出塵際聊因筆墨緣雅興此焉
寄我來展橫卷畫筆劇清麗魚莊及蟹舍仿髯繞雲氣
後樂平生心獨樂他年事此圖卽息壤珍重置經笥我
家笠澤西風雨差可蔽近者占焚巢羌無一椽庇挂帆
來就公分宅有前例惜哉筋力衰老不任樹藝公刊所
箸書粗能校訛字呼公仍樵兄期公畜漁弟故人多要
津我言公且秘

次韻題潘芝軒先生枌社奎光詩卷

道光壬午正月先生暨石

琢堂丈吳棟華廉訪藹人學士謙集倡和之作四公皆以進士弟一人起家者

甯許東山臥謝安

時公以吏部尚書乞養比年始還朝

先朝侍從比甘盤及門籍湜傳衣早

隸華藹人皆公門下士故里

林泉到眼難

大人先生顯宦既成可以筦領河嶽而平

甫周甲享林下之福已十餘年實古今所希有也

會比耆英人未老詩多樂易

韻從寬遙思仙吏錢江畔

謂石敦夫大令宦興年來亦漸闌

典論無煩續五官詞壇此會盡躬樞聽箏詎灑中年淚

修袂先徵上已蘭風詠未妨商正學

公近著一書曰正學編琴書

多幸結新歡

謂公子曾瑩曾綬

還聞小鳳聲清絕

聞藹人遺等孤甚慧

取臚雲五色看

文休承石湖圖卷題後

羈宦離思積十年石湖春漲遠浮天一家筆墨吳興後

三月鶯花笠澤邊塔影似招游子夢鄉愁分餉故人篇

卷中南雅梅史先有題句

何時上氣攜雞黍

先宣公墓在哭門

重泊先生畫

裏船

芝軒司空洗桐圖

龍門有嘉植本自無纖塵豈猶懼習染爲此浣滌勤高
士抱孤癖明公非隱淪米顛及倪迂擬議皆不倫讀畫
忽有悟公意吾能云樹人類樹木潔物先潔身大德信

無缺細行亦所矜

矜字從令古均諫真臻先部

瑾瑜恒匿瑕自便非

至論醇儒戒律嚴隨事徵操存偶然託豪素銘座勉日

新疎雨忽復霽涼月圓如輪一葉一光明見性此最真

桐亦感祓濯耻與曲木鄰他年伐琴瑟和聲協韶鈞嗟

彼燹下材危故摧作薪

題星齋蓮塘清暑圖并示琇卿妹

我昔曾訪蓮花莊蓮花想像餘空塘今來讀畫觸前夢
湖光仿髴浮鶯黃蓮花四面人中央此世界無水與霜
亦無凍雨無驕陽吟聲飄渺入花去蘭息欲與花爭芳
畫所未到吾能詳仲姬此時方曉妝妝成侍膳趨登堂
行來共君納晚涼

徐廉峯編修問詩圖

聞聲相思十年久今日迎門握君手翩然一崔排雲來
標格正似庭前梅吾儕會合都關命且喜新詩讀粗竟
不愁世業委輕塵但恐清霜入明鏡君家世業天下知

君所樹立寧惟詩卽論詩境渺無際君縱欲問當從誰
朝行疎林暮籬落蟲語能悲鳥聲樂與君答問人不知
却向陳編聽唯諾尺幅雲山重復重羈懷鄉思摠冥濛
眼前景色吟難盡半似梁溪半玉峯君崑山尚書來孫而尊甫以無錫稱
領解君今後大宗又爲歛人

張蒙山上舍守梅圖

愛花只合住花裏主人出門梅不喜主人語梅豈得已
行歸與君相守矣謂余不信繪作圖日日看花不待呼
梅花勿聽主人語主人未是山中侶明年梅放又辭家
揮鞭却看長安花

周晴川之官樂平索詩爲別

小謫忽忽下玉堂，蠻雲猶爲護甘棠。

君前以庶常改官粵令

而今

去作陶元亮，松菊何曾異故鄉。

十年宦轍感分馳，君去方驚我到遲。計日河陽花放早，

一篇先寄課耕詩。

紅豆山莊玉盃歌

并序

常熟江君湛源善醫，柳如是病藥之而愈。錢牧齋持玉

盃爲贈，盃刻紅豆山莊字。江君六世孫

之升

出示索詩。

蒼梧淚灑斑斑竹，故劍無歸獄中哭。癡絕長年褚彥回，

猶抱如花誇艷福。庭前紅豆照眼明，諄諄出出殘夢驚。

此盃不共絳雲燬，方知玉亦頑。無情雪鬢漆膚堪絕倒，

柳如是語

賢妻

二字見牧齋詩

也。覺垂垂老和緩空煩飛騎來，封胡

難使貪囊飽并刀似水斷人腸圓頂方袍入道裝肥水
已聞頒玉軸香魂終古怨雕梁盃令閱世二百載想像
凝脂鬪光彩移座狂歡最可憐珠冠寶帶今安在我昔
曾歌趙氏觥文羊一角見錚錚一朝酒器知多少莫爲
遺珍泣卞生

芝軒家宰星軺攬勝畫冊

點蒼匡廬天臺鴈蕩
皆督學時按部所經

先生手持瓊玉尺量才直盡天南頭山靈有意傲多士
爭先快識韓荆州盡驅浮雲埽宿霧千峯萬嶺迎鳴騶
我聞讀書必行路奇文例得江山助所恨多從遷謫來
行吟未足諧韶濩先生弱冠登瀛洲又欠林泉愜幽素
熙朝文化被蠻荒六詔風烟接

帝鄉夷民間字識忠孝使者按部收珎璜此時山色連
天碧山亦如文平不得直是平生未見書特爲先生壯
行色紀游詩出海內知匡君玉女俱相思

聖恩屢錫看山福幕客都誇得句奇永嘉試罷還

朝早天官旦晚加師保九命纔過強仕年一篇已誦陳
情表故山多半近南陔虎阜鶯花鄧尉梅置剡豈知文
度貴趨庭又見季方才閒中却話游蹤跡高鬟淺黛環
瑤席何人金碧擅營邱縮取全山剛一尺金鰲退食未
斜曛畫筆山容孰假真但祝年年書大有不煩換手寫
流民

時間江左右俱有
水災未得確信

星齋玉山紀游畫卷

見爾儼逢裴叔則披圖忽憶李滄州當時伴侶今誰在

未必丹青卽人畱

往客味莊兵備屢借林遠峯萬
廉山游玉山改七香爲作圖

古墓

尙澆游客酒

建文殉難
黃公于澄

小園如聽故山秋

山下有
一小園浮生

何

昔隨意詩成淚已流

飯飯庭宜興磁壺勝之以詩

義興茶器推專門龔

春徐有泉

兩家今罕存前朝健者

時大彬蜀山一昔摧嶙峋洪鑪熾炭焰不溫熒熒化碧

驚秋燐寶劒淬水丹成銀團雪爲魄霜爲魂盛暑置座

不可捫涼飈習習消餘醺私淑弟子王

南林

與陳

若水

風格亦足魁其羣力趨瘦硬懲輪囷未若彬也含清醇

後來俗手何紛紛險怪庸陋旗鼓分蛟橋夾道明朝曛

太邱

曼生
郡丞

銘辭雖雅馴古意亦已乖先民一真百偽淆

清渾我初求汝經冬春我既得汝忘朝昏客來啜茗無
所云客去使我感歎頻規圓方竹漆斷紋矧爾骨相虞
翻屯東西汎水波粼粼誰從洗耳曲聽真昨者攜之游
帝園潘郎雙臚月出雲一見歎賞稱絕倫我聞大喜持
贈君得一知己他何論朝恩莫怨如轉輪秋風棄扇君
所聞

季雲書學錄怡雲圖

君山蒼蒼暮雲合有美一人看雲立十年相望不相聞
今日見君還憶雲雲容只覺家山好痛惜踏雲人去早

謂嶺嶠
山嶺峰

君今又作出山雲便恐愁雲失昏曉我家雲

間有舊栖一夕化作秋雲飛龍眠怪我久爲客翻逐燕
雲到京國風吹雲散復幾時舉柁問雲雲不知臨岐一
語君念之每見雲迢長相思

趙公子種竹圖

漚波亭前餘隙地乞竹君家有前例想見雕闌並倚時
竹粉都沾鬢雲膩君才頗有松雪風圭中三絕亦與同
君配爲詩給女公
子詩書畫俱工稍恨春明乏佳竹璫鄉少此數竿緣
聊憑圖畫寄閒情展卷如聞雛鳳聲檢取仲姬詩句報
來年稚子竹邊生

爲狄公子題姬人毛氏遺像

生小鄉親識面遲却從遺桂見幽姿畱將玉貌生天去

肯到蛾眉蕭瑟時

幅幅烏闌錦字妍兒家家學重毛箋小星江汜吟來熟

信有周南第四篇

君配王夫人先友儕儔太守女愛姬尤甚於君

種就三生煩惱根雙棲樓閣怨黃昏畫褰芳草經行處

一點螢光照斷魂

螢飛艸有魂王夫人舊句

鬢絲禪榻悟浮生除是蓮臺許懺情千首哀詞萬行淚

酬恩索負不分明

唐建中年韓晉公所進大小忽雷相傳小者猶在

人間爲雲亭山人所藏繼蓮龕同年得之以贈劉

燕庭郎中燕庭出視索詩

風外烟雲劫後灰吉金樂石費疑猜是誰護取傷心物

畱與人間譜可哀

絕技由來少繼聲隔牆省試鄭中丞忽忽雨度羅衿淚
我覺生離更不勝

官家聲律擅千秋法曲曾煩天上求一自抄羅檀進御
蜀中歲歲動邊愁

干卿何事爲沾衣鳳尾龍香是也非試數一朝離別恨
眞妃仙去又賢妃

金陵嫺雅似前朝簾外春寒韻更嬌招取柔儀宮裏月
流輝照我賦燒槽

詞臣出鎮太忽忽一曲琵琶聽未終此日青衫尋舊淚
江南花落不相逢

悼蓮龕
之亡也

填詞并憶孔東塘一扇桃花淚萬行又似檀槽無別恨
千年住世閱興亡

崇百藥齋三集第八

陽湖陸繼輅孫

望雲乙集

辛卯

元旦小病杜門十二日矣

了無風景似新春
罷啟閒窗已浹旬
夜夜月明來又去
小庭長自不逢人

爲星齋紱庭題臨頓郊居畫冊

夢同隱約聽觴簫
日下春光尙寂寥
却展畫圖驚晚晚
草痕已過泰孃橋

新詩重和天墮子
作賦如登八詠樓
一樣郊居好風景

適爲沈節原侍郎題郊居圖

畫師難寫是鄉愁

城市山林訝許同茅亭近接桂堂東
分明夜泊寒山寺
一杵涼宵道院鐘

咫尺煙波空澤湖雨蓑霜笠未全
無商量添个漁舟到
繫在垂楊弟幾株

題星齋暨琇卿族妹梅花雙影

雪衣猶未喚朝飡侵曉梳頭出畫闌
我怪梅花開太蚤
教人連日耐春寒

索笑檐前日幾巡愛花人是此花身
山中林下尋常語
吟向君家字字真

得婦虛名林處士游仙幻夢趙師雄
何如日日花間坐
坐遍羅浮四百峯

翠禽生小不孤飛坐傍朝陽對對齊鐵榦盡成連理樹
者番方稱鳳雙棲

飄殘金粟掩冰紗畢竟長娥興未賒四萬八千修月戶
不教戶戶種梅花

劉家諸妹重三孃只許梅花助淺粧知否阿兄詩思減
早催艸色過橫塘

元夕病起

今年纔見月珍重十分明雲轉春容好風餘夜氣清三
分佳節譙山妻攜家住院江勸文客與七度故鄉情庚午在鄒王申
癸酉甲戌在洛

己巳丁亥及
今在都下

記取團樂夕相邀問雨晴

新年

新
年
小
病
罷
衙
杯
盡
日
閒
門
閉
綠
苔
多
謝
借
書
徐
內
翰

星伯

一函纔去一函來

除却題圖事事刪
閒來且看畫中山
小庭一夜積春雪
今日定無人叩關

百字令

星齋藤花書屋填詞圖

藤花最盛記巷名
大井堯翁曾住
今日繇英猶好在
轉益孝章愁緒

度香尚書大井胡同藤花甚盛今五洲光少居之

韵歇銅弦

吾鄉劉鴻臚宅藤花相傳爲坡公手植

機空蕃錦

竹垞藤花書屋在海波寺街

誰作

名花主舊游
根觸幾時梁燕能語

天遣三影重來

雙成小謫妃合神仙侶
閒出一篇傳寫遍紙上花光
如許約住花飛吹醒花睡
不借霓裳譜渾閒聽慣輸

他簾下鸚鵡

題南雅梅花畫卷

人本同梅瘦春還似水寒
正逢花放候翻愛畫中看
鄧尉東風早長安驛使難
但畱橫幅在索笑一憑闌

寄君孚

病中思汝意纏綿念汝思親更可憐
寫字讀書都有禁
時目疾初愈復將何事遣如年

一冬晴暖易晨妝轉是春寒爾許長
窗下水仙花發未
莫開簾押放幽香

寄聰應

無爲吾望爾書到轉嫌疎
文可爭春艷病應與歲除
米

薪知易匱衣褐未全虛勤學尙其次懷哉慎起居

寄頌昭

而父吾執友憐伊作女看但期蠲薄怒卽此是承歡師

法諸姑近

謂君

慈恩育子難重闡恒蚤起何以勸晨餐

寄雪慧

香山婢子漸能書知爾裁牋意有餘我亦鄉愁銷不易
春寒如水酒醒初

花朝雨東張秋穰明經趙研雨大令

花朝風雨太無聊咫尺芳鄰不可招準擬買春偏戒酒
更誰閒夜話垂髫尙餘殘淚三條燭略遣愁心萬里橋
短趙缺張同問訊試營歸夢聽飭簫

乞顧南雅朱椒堂姚伯昂張詩舲楊劭起潘星齋
作畫戲成二絕

百花生日住京華病眼何曾見一花且喜紫雲渾易乞
桃鬟杏靨滿窗紗

年來愛聽雨瀟瀟最是孤眠遣寂寥爲報諸君休畫竹
怕他無事要彈蕉

自題借書圖

并序

道光庚寅辛卯冬春間余需次都下日向星伯借書有
一函纔去一函來之句已而星伯答書足下十行目下
敝廬所藏將罄矣適于山林見之爲作借書圖

中年只此堪陶寫誤字粗能任校讐重向吾家徵故事

異書不似借荊州

往復何曾費一緡故人風義友兼師由來識字生憂患
三食神仙定幾時

雨歇懷雪慧

薄陰盼到雨廉纖省我侵晨拒客嚴收拾閒情坐調息
西山如黛又窺簾

大竹登龍樹菴西閣有詩見示次韻答之

臥起拓南牖濃陰黯如昨小齋類舴艋守風此焉閣前
塗尙委折心怵日西落長安花事繁春色未云薄兼旬
不启關詎誰鑄重鑰病久酒懷斷事簡鄉思作疲馬欲
何俾饑鴻竟安托失笑君願奢栖栖慕岩壑

附元作

汪全泰

春水滿南陂蘆葉綠如昨平皋生野烟一里見高閣
微徑取寺門登臨日將落殘雪掛西山參差翠微薄
石殿對松陰繖香閉銅鑰中有東吳僧金經梵音作
伊余惜靈境暮景念栖托永願結菲庵餘生向林壑
芝軒先生園中補種海棠碧桃春來俱已作花有
詩索和次韻

自然富貴出天姿

元唱用坡公句作起仍之

珍重芳根隔歲移坐處

便同分陝地迎來猶記渡江時低枝剛許高鬟並紅燭
應煩素手持誰說相公腸鐵石梅花賦罷又裁詩

弟二曾孫生室人書來徵名因寄十二韻

兒生日在戊土燥非良疇却喜時逢壬灌溉得所求名
之曰祐塍畦埒當早籌庶幾畫成畛護此四尺溝江南
固宜稻陽雨皆可憂人力苟不勤曷冀歲有秋易田不
可耕和田字从柔治性毋使偏穀熟身亦修吾家乏恒
產累世資宦游我孤負米早甯免殘炙羞明經拾青紫
學亦豈易優塍乎速長大勉作農家流

室人書來云積善七月呼哥哥姊姊清眼可聽感
念往事却寄一詩

我生甫百日呼爺復呼孃七月識五字長壽富貴昌八
歲讀左傳三遍終不忘九歲著史論詞源已洸洋太祝
抱置膝

儲梅夫先生初不見信面試桓文誦正論乃大奇之

白眉誇取夏慧業似

可喜福命殊相妨垂老百無成始悟非吉祥汝兄貌岐嶷學語一歲強汝言何太蚤汝氣聞頗揚此皆汝父病克肖詎所望生汝況遲暮期汝相扶將朝出事耕作暮還在我旁慎毋作名士名乃士之殃慎毋掇科名得官卽離鄉家翁信田舍爲教實義方數行卽遺訓汝母爲汝藏待汝筋力壯驅犢南山岡招兄籍草坐倍誦聲琅琅

示五洲光少

間日經過各有詩君詩漸與杜爭奇漫愁吟榻無安處

時僑居主人索宅甚急

好趁才源未竭時鼎試一嚮

嚮樂通用平聲字也

已饜手持三研豈非蚩隔牆喜見桃花放却語鄰翁尙

不知

招錢衍石給諫董玉椒員外寓齋看花前一夕爲
大風吹落殆盡悵然有作

東風底心性譬月復譬花寒喜裘還在塵無扇可遮詎
曾侵皓魄已自損朝華珍重窗前草畱君玩碧紗

詠楊花因柬雲書博甫

隋隄陶徑總魂牽一度飛花又日邊風外看殘無數影
病來倦到第三眠果能解脫從飄溷獨自商量要褪縣
說與新知勤握手再相逢處是當年

附和作

季芝昌雲書

生是柔腸萬緒牽不禁飛傍畫闌邊春華與我同飄

忽風信憑他判起眠薄有因緣登研席可堪時節換
衣絲只應慧曉池塘畔點點含情記此年

吳企寬博甫

垂絲百尺最情牽况復飄揚到酒邊作客生涯風有
影撩人春夢午無眠幾同倦舞猶依研三月輕寒未
脫絲同在二分塵土裏那禁相對惜流年

鄭祖琛夢白

不管情牽與夢牽迷離身世總無邊闌干九曲空餘
影風雨三春不耐眠漸覺虛空都粉碎暫思解脫又
纏綿萍蹤如許渾難定點髻霜痕感綺年

陳嵩慶荔峰

似霞如塵思又牽惱人情緒落紅邊淨因要向虛空
證香夢從他自在眠白易化緇防惹研春猶耐冷替
裊絲無端點上星星鬢總覺風懷異少年

灞上忽忽舊恨牽韶光撩亂正愁邊桃花薄命君休
妬禪榻春風我欲眠大地空香憑去住一天瑤想托
纏綿東皇莫倚顛狂甚話到丰姿已昔年

買花詞

一蛺甫飛去一花卽飛來胡蝶不需買栩栩花後隨若
援吳市美人例今日西施看百回同名奚必郭芍藥疊
韻儷以紅玫瑰軍持十二列窗下指示座客夸瓊釵春
明春色深如許我與春禽居對字共疑詩客不尋春豈

識名花能擇主名花得主亦大佳我室無風復無雨富
不必玉槃盃貴不必金帶圍當頭呼取二分月婪尾須
傾三百盃

後買花詞

買駿空買骨買笑不買心世人作豪舉虛擲千黃金姹
女方嗤榆莢小說與沈郎還絕倒豈知花擔賣花同窮
媼雙雙同一飽開亦不市灌溉恩落亦不銷離別魂遶
床花氣濃于酒入鏡花顏麗若雲雖非阿嬌貯金屋差
異空谷愁佳人君不見一叢花十戶賦主人登車剛一
顧九十春光又前度

吏部藤花盛開呈趙研雨姚石甫龔意舫金近園

楊劭迨五大令

閱世忽忽三百年蒼藤如鍊復如絲摩肩誰是看花客

過眼能吟種樹篇

吳文定手植此花有詩存集中

香雨橫空宜選佛鞭

絲幾輩艷登仙與君試訂匏翁約猶擬逢春在日邊

瓶花歎

却老無金丹惜別有珠淚娟娟折枝花顏色漸顛顛臥
閣深深掩春晝幾曾風雨經僂僂可憐天祿億萬年只
注美人三日壽脂痕粉跡太分明不及楊花付杳冥空
傳寶鏡畱嬌影空染湘豪述艷情艷情如夢忘難盡拚
攪新愁入宿醒

飲徐廉峰寓齋因偕黃樹齋編修汪竹海刑部徐

鏡溪工部陳登之通守張亨甫明經游釣魚臺

淮陰嚴瀨兩釣臺臺前日日游人來京師釣臺久寂寞
濠上何人識魚樂我讀遺山詩始識王郎名王郎徒以
苦吟故妻譏妾訕何伶俜不知破鏡曾否得合并至今
垂釣之處尙與郭隗爭峻嶒翰林主人雅興生乘醉邀
我城西行此時春去甫十日春色略似江南青袷衣脫
帽簪芳艸地僻無塵不須掃遠山一角明斜陽綠樹成
陰見栖鳥我家乃在蜀山之麓涪湖之濱任公釣臺巍
然亦存偶逢勝賞觸歸思賣魚買酒他何論不然笠澤
三萬六千頃先世猶畱舊漁艇待君持節經江鄉烹魚
爲君勸一觴

送吳博甫孝廉出都

我去尙無日君行先有期如何饒春客裏值送人時

昨

研雨同年之官與京

樹色仍分綠離筵少滿卮相畱定非計豈是

不相思

同病尤相卹和歌無異音才驚青玉案贈乏紫纒褒此

去得知已

謂鍾仰山少宰時出鎮馬蘭

有人能苦吟

謂須明經彌保

負薪廉

吏子且願耐浮沈

予詵劭追夜話有作

赤日忽西下弦月窺疎林習習林間風隨月上我襟客
次樂情話況復皆鄉音往事憶如夢故態笑不禁歡噱
未及已悲淚各已零豈徒惜流年湓逝多素心但見浮

雲高安測黃土深玉樹一以羈惡木亦有陰君欲壹哀
樂且當齊古今

半年住京師涕淚常滿膺甫哭朱學士

虹舫同年

旋訣曾南

城賓谷先生昨聞李供奉

春湖少空

亦已騎長鯨同里兩曹郎

趙樹

珊朱

初日猶在楹柰何淹忽期不待箸述成宛宛當門

蘭方春乃謝榮淒淒風院燭遙夕乃失明稟受無厚薄

蓄洩殊虧盈壯哉魏伯陽

曾容同年

抗志希永生曷制鬢毛

白遲君爐火青

午日觀劭記畫扇思歸譚往倚醉口占

盧橘楊梅次第排自將團扇暫徘徊

唐句

分明同坐雲溪

閣尺半江鱗入牕來

粗枝大葉蜀葵花承露堂前月欲斜記得兒時花下立
迷藏剛倩翠雲遮

蘇州事事勝常州競渡偏教艷俊游一十三番端午節

可憐無分作閒鷗

盟鷗閣里中
觀競渡處

由來黃酒遜蒲觴薄醉隨他舉國狂向晚畫船搖不得
絲絲簾隙繫衣香

輕羅廣袖看分明偏斯堂前握手行今日替拴長命縷
爭教雙釧不成聲

榴花庭院筍輿停日午塗粧半未成到得下樓重攬鏡
忽驚頭上火雲生

新樣低鬟艾葉垂平湖裙子稱腰裁生憎未麗喬心性

不到深宵不放開

毘陵城外少青山山在佳人翠黛間惜未楚江同泛棹
看他玉女學烟鬟

親除寶釧捲香羅早起明窗翦綠莎不是雲溪貽角黍
何因洛水見凌波

龍舟纔過又雲車樓閣唐灣笑語譁只有玉環新病起
自裁繭紙隔窗紗

頻年珍膳數瑤光鵝炙葅羹總擅場一自玉爐銷寶篆
更無人炷佛前香

消魂片語出來難剗鞦韆香階聽易闌雜體江淹三十首
是誰全寫付伊看

年年對月住西房立索新箋補蠟墻妾字素雲君記取
臙肢不愛寫花王

隔船翻酒濕裙裾驚座風神玉不如今日重呼看衛玠
轉嫌雙節在前驅

當時四畏負虛名艸艸游蹤獄未成畱得蕭孌顏色在
退紅牋上月華明

軒名餘慶許雙棲密約何曾燕子知冷眼不防鍾進士
見他雲破月來時

篇篇樂府軼三唐各有微辭託楚狂我自愛詩人積忿
小樓苦雨病周郎

傳來五字宋延清信有珠光替月明不礙三時溝水漲

夜深長有小舟橫

癡絕工愁盛孝章一椽愛住六朝坊無端來乞江心鏡
落月驚看上玳梁

苦禁朝雲捲畫簾茅山香會最莊嚴閒情忽憶投荒客
鄉夢年年八字尖

楊郎一度未分明小玉驚呼敏玉扁絕倒來朝傳異事
江樓黃雀向風傾

贏得麻姑仙口誇翠翎雙壓髻邊花鄰翁那識閒蹤跡
飲罷偏畱展畫叉

閩裁小賦署憎蠅痛飲今宵病未能見說諸君成雅集
座中名士有王澄

清商喚取玉人教象老三絃項四簫何止文才痛寥落

屈魂一昔逐風飄

謂董方立劉子中

三妹歸甯不待畱青溪南岸蔣家樓商量排日迎親弗
侵曉開箱撿做裘

北阮笙歌徹夜闌燈光三面壓紅欄而今也似南頭宅

味辛先生亦有水閣臨雲溪然婦女無登閣觀競渡者

五月年年不扃關

一朵榴花壓髻黃羅衣都厭繡邊鑲西城風氣新來好
稍向城東學淡妝

頻年名宦艤歸橈南海珍珠未寂寥却爲湘纍能痛飲
不須更倩讀離騷

細柳新蒲摠斷腸歲時荆楚語能詳一篇絕調溪南曲

吟罷猶餘舌本香

謂雅存先生

綺語難將結習除我詩君畫定何如他年若許傳三絕
應有吳孃玉手書

趙詠荃上舍以前偕樹珊樹荃同步尖叉韵詠雪
詩索和時方盛暑走筆應之

兩頭新月影纖纖乍展瑤箋朔氣嚴往事虛傳梁苑簡
此時誰撒謝庭鹽恨無修竹圍幽徑似有梅花在畫檐
太息袁安竟長臥

謂樹珊

那禁相對蹙眉尖

寓廬消夏只塗雅試倩飛箋阻客車剡上故人偏返棹
河陽仙吏僂栽花

謂樹荃

水心自抱誰堪語霜色無邊正

別家

余以客臘抵京

何日雲灣同買醉凍帘認取路三叉

題林石筍大令珠江買醉圖時有秦關之行卽以
送別

珠江燭焰紅接天風吹月墮羅浮烟羅浮仙蝶動凡想
却化雙姝集雙掌牽雲曳雪誰去畱樽前不敢迴青眸
沈沈良夜春無主一片衣香蒸作雨半臂何由覺暮寒
琵琶不借通私語帳掩梅花夢易闌斑斑車又過河間
傷心重叩平津館艸長花飛鎮掩關年時我蹤江湖櫂
江波那許量懷抱兩袖難收十斛珠雙鬢耻買千金笑
酒病羈愁旋旋添傷春傷別一身兼逢君互指星星鬢
少作從傳昔昔鹽突兀樓臺風雪裏且揮痛淚酬知己
單騎忽忽出玉門文鸞寂寂栖鄉里

謂許乃穀玉年周
三變南卿皆襄王

相國舊客也

郎君相見總帷旁苦說卷施拔心死

謂蔣漣生員外

春

明春事復如何轉綠回黃幻影多芍藥花欄全委地櫻
桃門巷半牽蘿疎簾清簟僧伽舍各譚往事消長夏視
我羊城舊畫圖分明鹿苑霏蘭麝百罰深盃醉未成憐
君觸暑更西征曲江亦是消魂地莫向旗亭署姓名

附同作

端木國瑚子彞

天津津頭五七夕牽牛老作秋風客紅牆碧樹幾經
霜東望虹橋隔千尺錦字秋江怨鯉魚河間姹女復
斑車陌頭楊柳春歸盡可憐一紙廣州書廣州今是
臨邛道車騎長卿還美好但有當壚貰鸛鵲還家四
壁何須惱況復珠江翡翠篷珠娘壓酒珍珠紅天明

送客櫻桃雨日暮吹人茉莉風沈沈夜帳燒銀燭如
此人間難獨宿一曲纏頭幾縷絲春閨五色蠶新熟
玉筯相看苦死畱黃金猶好漫回頭石城艇子江南
樂還有佳人字莫愁天涯那有雙飛翼可恨西湖歸
未得秋風又入曝衣樓烏鵲憑人問消息何處相尋
老畫師仙衣胡蝶繫相思吳山一覺羅浮夢不是梅
花總不知

題浮青山館圖爲仰山少宰

館在甯遠州少宰少時隨宦讀書處也後

官盛京侍郎作此圖

三十年前賞我詩

繼輟弱冠時卽以詩受知尊君蠻雲塞月證相思

尊君

官黔中

清樽白菊秋如畫末座青袍髻有絲連帥交期

徵藥裏

令兄蓮龜同年承宣江左
值繼略抱病屢餉珍藥

詞臣威望見旌旗卽

看道左邊萌淚棖觸平生國士知

舊游雪樹最難忘何況年時竹馬場豐沛山川資保障
韋平家世協麻祥遺民自喜郎君貴故客全消記室狂
惆悵一鞭回望處粘天艸色太蒼茫

時公出鎮馬蘭
余亦將南下

攬鏡詞

女兒惜肌膚欲白偏易黑丈夫惜鬚鬢欲黑偏易白

中秋夜舟中對月

去歲中秋雨懷人有小詞

有詞寄顧
蘭堂大令

今宵月色好獨客

水程遲此別一何數重來安可期唯應許丁卯知我誤

鄉思

滇生侍讀贈行詩
却認長安是故鄉

交河夜泊偶憶伯恬一粟燈光舊句忘其全首因足成之

一粟燈光出綠陰誰家茅屋夜譚深交河從古相思地
半擬新寒到客衾

臂痛

不堪逐電試乘風猶自呻吟倚短篷久已挽弓慙五石
翻教窺鏡覲三公時攜一漢鏡歸田老將拋長子罷
繡閒窗見唾絨一樣人間遲暮感病懷難遣是飄蓬

雙絕

秋菊春蘭載兩頭舟中雙絕世無儔茫茫待遣長途感
奕奕平添萬古愁移得定拚瓊作樹重逢容有玉爲樓

佛言一切都如夢夢裏何嘗不淚流

舟入江南作

淺醉孤吟性所耽客程剛喜到江南隔窗烟艣聲初軟
夾岸秋林綠尙酣兩度剪蔬虛舊約入都出都俱過東昌境欲訪宛鄰未果
廿年射虎斷雄譚乙丑下第後由水程南返與保緒同舟宸京藥榜興
京穀一樣關心少報函時雲汀師奏請由海道至奉天買米放賑

雨泊

篷窗聽雨似蕭齋攤飯攤書日幾回我已久無佳節感
天如特送旅愁來孤村夜永雞聲斷隔岸田荒雁叫哀
咫尺絳帷勞引領茱萸知亦罷銜盃謂雲汀先生時方以水災籌賑

自清河易江船至安慶艣人餉菊數本對花成詠

寄彭城君

籬菊花已繇作客亦云久經春忽徂夏秋色又八九春
明豈不懷況復集良友臥聽柔櫓聲因之念漁婦會當
營舴艋攜家釣西沱

我行信濡滯見菊始驚秋去年君所栽開復似此不及
歸花未闌斗酒宜可謀薄醉語勞筋今夕差汝酬
龍眠亦他鄉相習遂如故強顏說歸塗山靈笑依附爲
我謝山靈浮生本無住若待築圃成秋容復遲暮

重九日懷濯姬

是日爲姬二十九歲生辰

聽雨聽風亂客心快看朝日破濃陰雨因送喜諧聲好
陶靖節愛重九蓋以九久同音也人到歸塗別緒深除是雙珠能索笑

各邀半月照離衿遙知籬畔花全放侵曉來分壓髻金

謂君字

悲湖隄

湖水明如鏡如鏡復如刀欲識水底魂但看水面泡
烹魚不成飡推棄意悽惻多恐魚腹中尚有未銷骨
長官急築隄擔土雜婦女幸未雙行纏得錢敢言苦
湖隄急工作萬燭徹宵分聽得人聲沸辨不是秋燐
卷席持作瓦脫裙持作帷全家忍飢臥差無離別悲
一器雜菽麥汲水煮作糜天陰如欲雨且願過晨炊

風景

風景傳聞異往年綠楊城郭故依然平田白水猶吹浪

接座青袍半化烟歲歉難論文士價俗奢剛歇武城弦
荷花芍藥開都過獨酌寒泉奠四賢

寒江孤艇風阻歸程感舊懷人離聲間作

半村

黃洵修存所居

初訪寓公廬照眼先驚絕艷書

四壁皆慎伯保緒書

我有鄉愁饒萬斛爲誰銷剩一分餘

清絕黃郎五字詩陶公而外莫求師

修存詩五言絕近靖節而歌行好學

坡

相思竟夕瀟瀟雨可復挑燈斷一髭

谷

下第情懷餞別筵笑看裘佩尙翩翩

羽當時與伍松扁扁文相謔語

重逢

霜髯君休訝耐到相思十九年

殘月斜陽總餉愁當時金十最悲秋夜來秋亦畱難住

揀借寒潮作淚流

立冬日晤金手山於樞署話舊泣然

十年漢上罷題襟殘菊荒園尙耐尋記得傍花村

揚州買菊

處

畔路曾煩馳騎報泥金

慎伯招飲倚虹園賞殘菊因觸往事

反哺禽歸背有霜寒林今見鶴雙翔

謂亡友遺孤如何張淮趙振祚

十里橫塘路纔著徐妃半面妝

由來韓筆最清雄序事全追司馬公若使河漕早相付

可能文史任從容

慎伯近文多極論河漕之作而誌傳尤工

絕學無如議禮難正名我尙未心安歐陽公與張孚敬

幾使千秋一例看

慎伯近治禮經所論往往精絕至云本生仍宜稱父則未敢以爲然也

此行準擬見周郎別恨平添一鬢霜

保緒前數日返荆溪知子之

來雜佩贈翻然爲賦隴西行

君悼亡後以房老攝正室余至問遺甚謹

君虞玉骨鎮珊珊病後猶能譜食單可惜扁舟不同載

寶山回首怨空還

邀紹仔偕至晚江以有待未果

倉猝畱賓苜蓿盤撈鰕市脯稱清寒河梁不惜忽忽別

一箔春蠶正待食

及門陳春樓奉檄放賑秦州

季方交誼亞元方

修暢智容弟

辛苦傭書漸老蒼擬製布帆

寬十幅送君安穩詠霓裳

君擬竟輟京兆試詩以勸其行也

何人更

司寇門庭日影積典衣爲我勸深盃

金簣伯改之兄弟

何人更

跨揚州鶴須是腰纏十萬來

長袖輕裾事事非寒雅彩鳳總分飛邗溝王亦無聊甚

待著西方壞色衣

書帶離離夕照黃重門深閉鬱金堂初飛乳燕無春信

還趁東風覓玳梁

康山全廢況平山依水名園晝掩關獨有嶺梅能耐冷
年年風雪見春還

天甯門外酒旗高九十詩翁興寂豪

揚州酒樓自惜萬梅舉大小飲垂三

十年矣

不改年時舊風味車螯湯餅百花醪

令公威望近何如萬里蠻雲一鴈無見說洛陽資勝院
遲公歸作富司徒

鮑杜風流各一時傳聞那得有同辭樽前傾聽揚州慢
可是堯翁自製詞

舊游隨處一沾衣茅屋偏逢賞雨時誰是人間李商隱

十年泉下寄相思

以下五章皆哭賓谷先生之作

風雪都門我到遲蔡公病骨已難支傷心撤瑟前三日

猶送東坡饋歲詩

庚寅除日見餉酒熙鵬選客守歲新正四日遽歸道山

雙輪纔去一帆來朱戶蓬門四扇開今日掩關方肯句

相公偏看華山回

陶寫無煩絲竹聲寒宵譚藝輒三更萊公蠟淚誰曾見
燭燼時時趁月行

獨將陶杜許軀生盛譽頻教座客驚此事恩讐銷不易
本來玉尺太分明

十五年前別此君重來剛許讀遺文座中誰有憐才淚

同我秋原哭鮑墳

悼小竹也時公子彥樹輯錄遺集已成

剛見鴻毛遇順風浮生似此太怱怱問天何苦生瑯樹

正欲凌雲著土中

彥聞方以循良受知平叔宮保頃晤修存驚聞長逝臨江一慟不自知其

過情也

朔氣橫江擁客舟手開行篋換征裘素娥偏自憐迢夜
喚起孤眠凍玉樓

最是身閒意不閒故人空贈養心丹

得曾容書極言心死身存爲修道入

門真

荒烟寒日滄江畔誰似鳬翁睡性頑

燭燼香殘酒罷斟秋心多恨劇春心寄聲德曜卿言誤

遣得閒愁是苦吟

室人書來屢以耽詩爲戒

南歸悔趁一舟輕一日揚帆九日停翻羨郊祁同下第

謂子人

吟鞭先我到皖城

詠蘆花和同年葉筠潭方伯韻

蓼花低亞水平鋪引我扁舟入畫圖小艸居然資保障

項見清河工
次積蘆無稱
秋情從此滿江湖一官淪落詩人老匠地

風濤釣叟孤早又戍樓哀管動燈昏被冷夢都無

隋隄三月放歸船一樣花飛感逝川故篋空藏歐母字
危橋久讓祖生鞭伊人道阻思前約畸士塗窮話往年
便擬大裘渾不愧奇溫深護白鷗眠

寂寞蕪城易夕曛眞州一櫂鎮逢君乍疑夜月銷晴雪
無分春風撲鬢雲紙閣年光從曉晚滄江秋色自繽紛
論功吉貝知難並薪米相需定不分

夢醒方知境已非家園剛剩舊落磯悶來欲共丹楓醉
銜去羞隨白鴈飛何處瑤枝容徙倚且教苦竹得相依
詩成未忍題黃絹難保無人著此衣

詠蘆花意有未盡再和顧晴芬司農韻二首

苦憶樽前玉樹姿
水天渺渺動離思
生來蕭瑟非風迫
禁得高寒有月知
到眼總含招隱意
一篇便抵餞秋詩
茗茗江岸勞相送
任爾吹霜上髻絲

園林不分著幽姿
蟹舍漁莊繫夢思
可許芙蓉同入畫
黃筍有芙蓉菱
蘆花陣司農云
故應魯望爲徵詩
採菱尙記茅菴好
吾儕採菱處有
蘭若幽癖可聽
抽筍何曾燕子知
若使東廂容葦屋有
人親手擘簾絲

自題蘆花詩後

秋來詩思滿天涯
寒色蕭蕭雁字斜
驗取孤舟情緒苦
儘拋心力寫蘆花

酒徒相見尙青眸詞客重逢半白頭

謂刊上諸君

偏是蘆花

能惜別揚州相送又眞州

驕懷暫慰是新晴怪爾通宵作雨聲我待潯陽江畔住

聯牀從此許同聽

秋初卽馳書與東促
劭文先至貴溪相待

一枕霜風咽暮笳曉來蘆荻更橫斜不煩重點秋人髮

春髻先經著柳花

臥來無夢迨還慵盼到江隄夕照紅此際篷窗關不住

輕寒耐盡荻花風

何人論定三分月獨許揚州占二分一片蘆花數行鴈

祇應多得是斜曛

未空色相揔關情獨客閒愁百種生艷絕水荑花一穗

分明窮巷見傾城

一尊早晚賞唐花分韻裁箋逸興奢應笑孤行張叔夏

折將蘆荻寄京華

時寫此詩寄都門朋舊

語雁

一繩低趲暮雲橫爲汝重傷去國情顧影大都驚瘦損
攜羣差足傲孤征水行地上聲初靜穀入冬來價漸平
飽食安眠宜可待且隨戍火守寒更

舟中望燕子磯

容易寒江迤暮烟凌江一燕自翩翩淒涼道路經三月
邇操情懷憶往年倦羽知營何處壘新詞曾壓昔人箋
柳昏花暝渾如夢却到回思盡眼前

早發龍江關

日日西風不放行，今朝帆影看分明。
客因家近心逾急，船載愁來吏免征。
白髮漸生思採藥，碧紗無分護題名。
甲寅八月，游永濟寺，題詩壁間，有不妨江燕輕飛，起載我高吟上九天之句。全首不復省憶矣。桃根怪我忽忽甚，翻擬親爲打槳迎。

過和州懷孝逸用儕嶠集中與君唱和舊韻

一昔豐城劒氣沈，毛生捧檄負初心。
最難下吏逢青眼，嶠筠中丞讓廬方伯俱以良吏目欲與何人共綠陰。
君方擢換官懷甯而君逮獲未疾故宅未曠不知歸，何所令人懸懸浮世虛傳持健藥。
此身本是半焦琴，惜才傷別無窮意，持較滄江孰淺深。

江岸賦寒柳

道是春殘歲亦殘青門一別又江干
千年荒幸保蒼皮在我意還將翠黛看
儘有釣人叨蔽影不須梁燕見禁寒
忽忽略說隋隄事漸欲添薪到畫欄

司李悲秋舊有詩秋光正爾繫人思
卽今江岸停舟處已後官齋刻燭時
相賞定無前度客如君卽是後彫姿
此間大好稽康鍛

謂湯天池鐵畫

試輟松枝鑄柳枝

拔白

引

觀賢良門鬚白不敢拔此尙欺

君親他事可勝察南歸悔借帆西風日排闥
初猶事吟諷漸至厭簡札偶援陸展例聊補王褒約
呼僮使芟除

夢自集三集卷之三
三
俾汝任討伐摘瓜須抱蔓薙草必去菱別茲非種鋤實
坐亂行殺居然誇健吏出手擊大猾庶遂良苗生無慮
伏莽發諸毛悉奉令一懲當百罰快若宿疾捐欣然笑
口豁孰問詩翁年長鬢三十八

客路

客路風多阻寒閨日易昏經年不著粉持底驗啼痕

題甘亭遺集

窮達各有際君窮古所無棲禪浮世盡戴髮一僧枯墨
海源將竭蓮池境亦誣平生兩知己謂胡曾曾否見泉

塗

與漁媼問答有作

十步五步一草簷抱兒挈女簷之中大江魚鰕定不乏
怪爾十網九網空米價初平亦須買魚來不來甯可待
答言今日已作炊漁翁食畢換我歸客心勿念艸簷惡
我不爲魚願已足鄰里逃亡半未還知在野田何處宿
發銅陵

枕畔一雞鳴不已船頭呼聲應船尾北風獵獵吹布帆
望見日輪三十里江程遲速會有時今日順風昨不知
人生遭際類如此事前何必心然疑

自安慶之官貴溪畱別嶰筠先生

江天突兀見皖臺到此羈懷許暫開久客地如家可戀
長塗人與鴈俱來傷離強說春風近小住先驚夕照催

約略香山詩境在荻花楓葉待低徊

寒旃遭遇定無論纔著清霜又報春屬吏重來成上客

災年卽我是流民

江北方被水而繼輅家累畱皖備叨存卹

官因特薦塗非

雜詩許新吟格漸醇

師調繼輅詩與年俱進

幾輩同時文學掾循

資猶自感沉淪

于庭小宛敦原諸君尙守常調惟繼輅以專奏先得真除

北海書成轉恨遲一簾秋雨製春詞

集中風箏詞蓋爲繼輅寓感之作

聽箏爲灑流年淚攬鏡猶誇絕世姿意外應劉悲永逝

謂異之子衡

眼中籍湜最相思

謂伯言湘帆

期公消遣閒哀樂憂

國年深髻易絲

沿江堠火護宵征野宿無煩打鴈更河內開倉甯待請

寇君治盜不須兵及門疊

召延英對

師所薦收令劉君耀椿朱君士達周君天專
爵張君文鳳舒君夢齡並蒙

闕仍饒秘院情且未兼圻隨衆祝故鄉長見報安平知

師原籍壽州特
諭不必迴避

東接三衢北九華彼間風土有人誇如何青史無名士
却讓黃冠號世家香艸難求姑采艾良苗可玩勝栽花
勤耕向學區區願曷稱先生屬望奢

曉發安慶一日抵馬當洲晚泊

攜家纔發皖江濱轉疊舟中笑語親相約明朝都早記
小姑眉黛已窺人

張新建同年

滑虎邱春泛圖

領取芳洲杜若香生綃仿髯認橫塘春波怪底如縣歌

半繞柔鄉半醉鄉

羈宦情懷最可憐蘇臺一別十三年只應無恙生公石
未趁東風化暮烟